

BOSNA I HERCEGOVINA

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

Predsjedavajući Gradskog vijeća

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 12-05-2023			
Org. jed.	Kl. ozna.	Red. broj	Br. priloga
01	04	1093/23	

Predmet: Inicijativa za dopunu Poslovnika o radu Gradskog vijeća Zavidovići, Član 24.stav 3.

Poštovani,

na osnovu člana 109. Poslovnika o radu Gradskog vijeća Zavidovići, podnosim Inicijativu za dopunu Poslovnika o radu Gradskog vijeća Zavidovići Član 24. stav 3. i to :

u članu 24. Stav 3 iza riječi „ nezavisni kandidati „ briše se zarez i dodaju riječi „ samostalni vijećnici“ mogu formirati klub ili pristupiti nekom od klubova.

OBRAZLOŽENJE :

U Članu 24. Poslovnika o radu Gradskog vijeća Zavidovići stoji da se u vijeću obrazuju klubovi vijećnika političkih stranaka-partija zastupljenih u vijeću, te da se klub vijećnika može formirati sa najmanje dva vijećnika. Inicijativa se odnosi na dopunu stava 3 pomenutog člana gdje piše vijećnici nezavisni kandidati, mogu formirati zajednički klub ili pristupiti nekom od klubova.

Navedena formulacija stava 3 ne daje mogućnost samostalnim vijećnicima da formiraju klub vijećnika. S obzirom da u Gradskom vijeću Zavidovići trenutno ima nekoliko samostalnih vijećnika, smatram da je opravdano dati mogućnost samostalnim vijećnicima da formiraju klub. Formiranjem kluba samostalnih vijećnika, stiču pravo da učestvuju u radu Kolegija Gradskog vijeća, da učestvuju u pripremama sjednica vijeća, ostvaruju saradnju sa drugim klubovima i samim tim mogu dati puno veći doprinos u radu Gradskog vijeća.

Zavidovići: 05.04. 2023.god.

Samostalni vijećnik u OV

Fojnica Admir

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-1008/23-AP-32

Datum: 11.05.2023. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Admira Fojnice za dopunu član 24. stav (3)
Poslovnika o radu Gradskog vijeća Zavidovići, dostavlja se

U prilogu akta dostavljam vam stav po inicijativi vijećnika Admira Fojnice podnesenu za dopunu član 24. stav (3) Poslovnika o radu Gradskog vijeća Zavidovići.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović



Broj: 02-04-1008/23-AP-31

Datum: 11.05.2023. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Admira Fojnice za dopunu član 24. stav (3) Poslovnika o radu Gradskog vijeća Zavidovići, dostavljam:

PREDMET: Stav po inicijativi vijećnika Admira Fojnice za dopunu član 24. stav (3)
Poslovnika o radu Gradskog vijeća Zavidovići, dostavlja se

Inicijativu vijećnika Admira Fojnice za dopunu član 24. stav (3) Poslovnika o radu Gradskog vijeća Zavidovići treba prihvatiti.

Inicijativa je podnesena od ovlaštenog predlagača i dopuštena.

Na osnovu člana 10. i 16. stav (1) Privremene Statutarne Odluke Grada Zavidovići („Službeni glasnik Grada Zavidovići“, broj: 4/2022), a u vezi sa članom 32. Statuta Općine Zavidovići („Službeni glasnik Općine Zavidovići“, broj: 5/08, 5a708 i 11/18), propisano je:

„Općinski vijećnici obrazuju klubove vijećnika kao oblik djelovanja vijećnika i političkih stranaka koje participiraju u Općinskom vijeću.

Obrazovanje, zadaci i način rada klubova vijećnika detaljno se uređuje Poslovníkom.“

Članom 24. Poslovnika o radu Gradskog vijeća Zavidovići – novi prečišćeni tekst, propisano je:

„U Vijeću se obrazuju klubovi vijećnika političkih stranaka - partija zastupljenih u Vijeću (u daljem tekstu: klubovi vijećnika), kao oblik rada vijećnika, posebno u fazi pripremanja i utvrđivanja prijedloga dnevnih redova sjednica Vijeća, te drugim pitanjima od značaja za ostvarivanje uloge Vijeća.

Klub vijećnika se može formirati sa najmanje dva vijećnika.

Političke stranke - partije, koalicije koje u Vijeću imaju najmanje jednog izabranog vijećnika, kao i vijećnici nezavisni kandidati, mogu formirati zajednički klub ili pristupiti nekom od klubova.“

Navedenim članom 24. Poslovnika o radu Gradskog vijeća Zavidovići, nije utvrđena mogućnost da samostalni vijećnici mogu formirati klub vijećnika.

Status „samostalni vijećnik“ definisan je članom 1.9 Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 25/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), koji glasi:

„(1) Mandat pripada izabranom nosiocu mandata, a ne političkoj stranci, koaliciji ili listi nezavisnih kandidata koja ga je predložila na kandidatskoj listi. Mandat ne može prestati osim u zakonom predviđenim slučajevima.

(2) Ukoliko izabrani nosilac mandata, u toku trajanja mandata, istupi iz političke stranke, koalicije ili liste nezavisnih kandidata koja je učestvovala na izborima i na čijoj je kandidatskoj listi bio izabrani nosilac mandata, postaje samostalni vijećnik / odbornik, odnosno poslanik / zastupnik.“

Na osnovu člana 32. Statuta Općine Zavidovići i člana 1.9 Izbornog zakona Bosne i Hercegovine, Gradsko vijeće Zavidovići prihvatanjem predmetne inicijative bi omogućilo ravnopravan odnos samostalnih vijećnika u Gradskom vijeću u odnosu na sve druge vijećnike, koji imaju pravo organizovati se u okviru klubova vijećnika.

Predlažemo Gradskom vijeću da prihvati predmetnu Inicijativu.

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 10. i 16. stav (1) Privremene Statutarne Odluke Grada Zavidovići, a u vezi sa članom 25. Statuta Općine Zavidovići, Gradsko vijeće će ocijeniti da li će prihvatiti predmetnu inicijativu i omogućiti samostalnim vijećnicima formiranje kluba.

S poštovanjem

Dostavljeno:

1. Naslovu,
2. U spis.

Obradila:


(Samira Pinjić)

